

辭源
丑集

醉

源

集

辭源丑集

口部

【口】

【可嚴切有韻】●人及動物所以進飲食發聲音之器官也。普通皆位置於頭部之下。惟動物亦有在腹部者。如鵝魚之類。●人藉口以發言。故多以爲言之代詞。【左傳】白哲鬢眉甚口。●戶口也。一人亦曰一口。【孟子】八口之家。●關隘曰口。如古北口張家口。又出入要隘之處。皆謂之口。如江海口岸及巷口洞口之類。●兵刃曰口。刀劍一柄。俗亦謂之一口。●羌姓。明有口祿。河州人。

【口才】謂善於語言也。【家語】宰予有口才。以言語著名。

【口引】複姓。代北有之。後改爲冠氏。見【通志】。

【口令】軍隊戒嚴時期。主將密發一二字。爲本部人口語之暗號。使互相詰察。以防敵人之混入者。【左傳】呼庚癸乎則諾。【三國志注】「曹操自漢中欲還。出令曰雞肋。」蓋古本有此法也。

【口占】謂不起草而口誦其文也。【漢書】陳遵治私書。謝京師故人。馮几口占書吏。【又】「朱博口占檄文。」注皆讀如戰。今謂詩不起草曰口占。本此。

【口外】謂長城以外也。西北邊徼之關隘。多以口名。故關外亦稱口外。俗又有北口西口之分。如直隸之關外爲北口。山西之關外爲西口。

【口吃】言語蹇難也。【史記】韓非爲人口吃。不能道說。而善著書。【漢書】周昌爲人吃。又盛怒。曰臣口不能言。然臣期期知其不可。【世說】「鄧艾口喫。語稱艾艾。」按生理學之說。謂其病由橫隔膜及聲帶運動不調。或過受驚恐。或與同病者相處。遂成一種習慣。宜漸次矯正之。發語時務令精神安靜。避感情之劇烈。

【口舌】謂以言語爭辯也。【史記】今子釋本而事口舌。困不亦宜乎。

【口技】百戲之一種。能同時爲各種音響。以悅座客者。多障隔爲之。俗亦謂之隔壁戲。虞初新志謂之口技。

【口快】不慎言也。【朱彥可談】對人子弟。道其父兄及所短者。必貽怒招禍。俗謂之口快。乃是大病。

【口角】●口邊也。【李商隱詩】口角流沫右手舐。●俗謂兩方爭鬭曰口角。謂以言語角勝負也。

【口吻】謂言語也。【唐書】禍福出于懷懷榮枯生于口吻。

【口吟】語吃不能明了也。【後漢書】口吟舌言。【口具】謂書不備詳。而陳一切也。六朝人恆用此學語。【徐陵書】「一因使人口具。」

【口供】因事受審問而口述其情形也。謂以供司法者之比擬判斷。故謂之供。

【口岸】即江海各港口也。凡通商各埠在江海各港口之陸地者。亦稱通商口岸。

【口案】唐張九齡每勘公事。取囚於前。面分曲直。口撰案卷。咸服其罪。時號張公口案。見【開天遺事】。

【口脂】【杜甫詩】口脂面藥隨恩澤。【西陽雜俎】「臘日賜北門學士口脂蠟脂。盛以碧鏤牙筒。」蓋敷於唇上。以防寒凍燥裂之藥品。非專指婦女之化粧品也。

【口徑】器物之有圓口者。其口之大小。謂之口徑。言以圓徑計數也。【禮投壺】「壺頸脩七寸。腹脩五寸。口徑二寸半。」今言鎗礮之大小。皆用此計算。如言若干吋若干厘之類。皆指口徑言之也。

【口訣】言以祕術口授也。【岑參詩】早年好金丹。方士傳口訣。

【口率】謂丁稅之定則也。【周官弊餘之賦注】賦。

口率出泉也。

【口授】謂己以口傳說。使他人筆述之。不用文字也。〔漢書〕口授弟子。弟子退而異言。

【口給】謂能言者。徒取辯於口。以相應付也。〔論語〕禦人以口給。

【口腔】口中空處。所以補助呼吸。飲食發聲等作

用者。

【口惠】謂但以口許爲惠也。〔禮〕口惠而實不至。怨菑及其身。

【口琴】樂器。以鐵爲之一柄兩股。中設一簧。長與股等。簧末上曲。點以蠟珠。銜股鼓簧而成音。見〔律呂正義〕。陳賜樂書謂詩之君子陽陽。左執簧。非笙中之簧。即今之口琴也。



【口過】謂失言也。〔孝經〕言滿天下無口過。

【本事詩】宋考功求爲北門學士。則天謂崔融曰。吾非不知之問。有才調。但以其有口過。蓋以之問患齒疾。口常臭故也。

【口試】試其言論也。唐時明經科試士。先帖文。然後口試。經問大義十條。見〔唐書選舉志〕。今考試於文字試驗外。亦有用口試法者。本此。

【口號】詩體之一。解口號者有二說。一謂隨口號吟也。一謂非是。乃名稱之義耳。李商隱詩云。

柏臺成口號。芸閣暫肩隨。王維凝碧池詩題云。私成口號。誦示裴迪。軍中口令。亦稱口號。詳

口令條。

【口義】謂口述其義也。唐明經科試士。有口義墨義兩種。

【口腹】謂飲食也。〔孟子〕則口腹豈適爲尺寸之膚哉。〔世說〕閔仲叔老病家貧。不能得肉。日買

猪肝一片。屠或不肯與。安邑令聞之。飭吏常給。仲叔歎曰。閔仲叔豈以口腹累安邑耶。遂去客沛。

【口碑】人口所傳誦者也。〔五燈會元〕路上行人口似碑。

【口業】釋教以身口意爲三業。口業。謂兩舌惡口。妄言。綺語也。〔淨住子〕「次懺口業。此是患苦之門。禍累之始。」唐宋人常取以言文學之事。

〔白居易詩〕些些口業尙誇詩。〔蘇軾詩〕「口業不停詩有債。」皆以詩爲綺語也。

【口傳】猶口授也。〔舊唐書〕焚書逸禮。盡可口傳。

【口實】猶俗言話柄。〔書〕予恐來世以台爲口實。口中之食物也。〔易〕自求口實。

【口蓋】口腔上部之壁也。分前後二部。前部有上顎骨。甚堅硬。曰硬口蓋。後部有肉無骨而柔軟。曰軟口蓋。

【口賦】計口賦錢也。漢制。民年七歲至十四。出口賦錢人二十三。見〔漢書昭帝紀注〕。

【口器】昆蟲類之口也。大別爲咀嚼口。吸收口。二種。咀嚼口。上下二脣間有大小二顎。質甚堅固。

能碎切固形物質。如甲蟲。蜻蛉。蝗等是。吸收

口。下脣及小顎。多延長如管。能吮吸而不能咀嚼。如蝶蛾蟬等是。吸收口。又有變形爲舐嘗刺

螫之用者。如蚊蠅等是。

【口錢】即人口稅也。〔漢書〕口錢起武帝征伐四夷。重賦於民。民產子三歲則出口錢。故民重困。至於生子輒殺。甚可悲痛。

【口澤】口津漬也。〔禮〕母沒而杯圈不能飲焉。口澤之氣存焉爾。

【口隱】〔公羊傳〕吾爲子口隱矣。〔注〕「猶口語相發動也。」按如今言探人口氣之類。

【口糜】病名。口內皮面微爛而現白點。時覺刺痛。謂之口糜。用含漱劑漱之。數日自愈。

【口糧】對於兵士或孤貧之人。按其人口所發給之糧食也。

【口繪】書籍中第一葉之繪畫。常施彩色。較他處之插畫爲豔麗。日本謂之口繪。

【口蠟】即口脂之屬。白居易有臘日謝恩賜口蠟狀。

【口辯】便給能言也。〔史記〕淮南王有女陵。慧有口辯。〔人物志〕辯不入道。而應對資給。是謂口辯。樂毅。曹邱生是也。

【口分田】計口所分之田也。唐制。丁男十八以上。給田一頃。篤疾廢疾。給四十畝。寡妻妾三十畝。皆以二十畝爲永業。其餘爲口分。

【口內炎】Stomatitis 病名。一名口腔炎。爲口內黏膜腫爛。及牙根鬆粗。易於出血之病。由汞毒梅毒及熱性傳染病等而起。當以鹽剝。硼酸等水洗漱之。又亞布答 Aphtha 性口內炎。多起於三歲內之小孩。唇舌牙齦發白色扁平小斑。有紅暈圍繞其外。頗疼痛。此起於一種微菌。當以硝酸銀腐蝕之。而拭以鹽剝及過錳酸鉀水。

【口北道】清置。民國因之。屬直隸省。治宣化縣。轄宣化。赤城。萬全。龍關。懷來。陽原。懷安。蔚。延慶。涿鹿。十縣。

【口風琴】Harmonica 樂器。以木一條長約四五寸。鑿小孔十餘。中隔薄銅片爲簧。木上下復以銅板覆之。吹之可作種種歌調。

口風琴

【口數粥】〔范成大詩引〕臘月二十五日。煮赤豆作糜。暮夜閤家同饗。云能解瘟氣。雖遠出未歸者。亦留貯口分。至穠襍小兒及僮僕皆預。故名。

【口輪筋】Orbicularis oris 頭筋之一。在口之周圍。所以動口唇者。

【口頭交】謂僅在口頭之交誼也。〔孟郊詩〕面結口頭交。肚裏生荆棘。

【口頭禪】謂不能領會禪理。但襲取僧家膚淺之常語。資爲談助也。

【口中雌黃】謂議論隨時變改也。晉王衍善玄言。義理有所未安。隨即更改。世號口中雌黃。

【口血未乾】〔左傳〕「與大國盟。口血未乾而背之。可乎。」言盟誓未久而遂失信也。古盟誓皆歃血。故有此語。

【口耳之學】猶言道聽途說也。〔荀子〕「小人之學也。入乎耳。出乎口。口耳之間。四寸耳。曷足以美七尺之軀哉。」

【口吻生花】〔雲仙雜記〕張祐苦吟。妻奴喚之不應。以責祐。祐曰。吾方口吻生花。

【口角春風】春風能生長萬物。故凡對人爲和煦之詞。及代人稱揚汲引者。俗謂之口角春風。按三國志注引張璠漢紀。鄭泰說董卓曰。孔公緒能清談高論。噓枯吹生。言其月旦能令人生死枯榮也。俗語本此。

【口是心非】〔雲笈七籤〕道教五戒。三者不得口是心非。

【口燥唇乾】〔樂府善哉行〕來日大難。口燥唇乾。〔杜甫詩〕唇焦口燥呼不得。

【口蜜腹劍】唐李林甫爲相。尤忌文學之士。或陽與之啗以甘言。而陰陷之。世謂林甫口中有蜜。腹中有劍。

二 畫

【古】〔姑五切覺韻〕今之對。謂時代之久遠者也。如言上古中古。不趨附流俗曰古。如人品之言古道。文字之言高古。姓也。周太

王遷岐。稱古公。其後氏焉。見〔廣韻〕。又後魏吐奚氏改爲古氏。見〔官氏志〕。

【古丈】今縣名。清置古丈坪廳。屬湖南永順府。民國改縣。屬湖南辰沅道。

【古化】今縣名。民國以廣西永寧縣改置。屬廣西桂林道。唐時爲慕化縣。古縣地。故名。

【古巴】Cuba 國名。日本譯爲玖馬。爲西印度諸島中最大島。半獨立之共和國。內多山。富於金銀銅鑛。輸出砂糖咖啡煙草木材等。西元一七九二年。哥倫布所發見。歸西班牙領。一八五一年以來。島人屢叛。一八九八年。班美戰爭之結果。使古巴獨立。一九〇一年立共和國。

【古文】①上古之文字也。〔說文序〕「宣王太史籀著大篆十五篇。與古文或異。」當時大篆中雖有古文。而不盡與古文同。秦之八體書。但有大篆而無古文。則古文已并於大篆之內。王莽六體書。但有古文而無大篆。則大篆又徑稱爲古文矣。其後古文皆對於今文而言。以孔子壁中書爲斷。參看壁中書條。②文體名。六朝時。文皆駢儷。唐韓愈追復三代之舊。乃有古文之名。本對於駢儷文而言。故沿用爲散文之專稱。亦別於時文而言。猶對於近體詩之稱古詩也。唐宋古文。以八大家爲最著名。前清作者。復有桐城派。陽湖派之別。

【古方】古時經驗之藥方也。〔朱熹詩〕古鏡重磨。

要古方。」按今醫學家以古方爲時方之對稱。如傷寒論金匱要略所列之方。皆謂之古方。亦稱經方。

【古史】書名。宋蘇轍撰。六十卷。所述上起伏羲。下訖秦始皇帝。凡本紀七。世家十六。列傳三十七。蓋病史記淺漏疎略爲之改修。文章不及司馬遷。持論以無爲爲宗。亦未能出遷上。書中附注。不著姓名。據葉大慶考古質疑。蓋其子遜所作也。

【古田】今縣名。唐置。明清皆屬福建福州府。今屬福建閩海道。

【古印】古人印章。流傳至今。謂之古印。〔印文考略〕漢印古朴無庸議。晉印雅俗相兼。唐印文多屈曲。效李陽冰筆法。亦自可觀。五代印少見。佳者宋印多不拘繩墨。若米蔡二家。出類者也。【古州】一廳名。清置。屬貴州黎平府。民國改爲榕江縣。一江名。在貴州榕江縣西。亦曰福祿江。廣西柳江之上源也。

【古老】一書昔之人無聞知注。一古老之人。無所聞知。謂父母也。一〔崔融表〕「聽古老之謳謠。」謂古先之耆老也。今俗稱古老錢古老屏風等。本此。

【古宋】今縣名。本九姓土司地。清置縣。初屬四川瀘州。後屬永寧州。今屬四川永寧道。

【古邦】Kupang地名。在爪哇東的摩爾島之西

端。華僑頗多。皆閩粵人。

【古貝】〔宋書〕「元嘉七年。呵羅單國遣使獻天竺國白疊古貝。」按古貝。唐書作吉貝。卽棉花。詳吉貝條。

【古成】複姓。苦成之後。以邑爲氏。後隨音改古成氏。漢有廣漢都尉古成雲。西秦有黃門侍郎古成詵。將軍古成和。見〔通志〕。

【古典】古代典章也。〔後漢書〕建武五年。乃修起大學。稽式古典。

【古玩】珍奇之物。可供玩賞者。因所尙多古器。故曰古玩。

【古風】一古人之風也。〔唐書王仲舒傳〕穆宗常言仲舒之文有古風。一古詩亦稱古風。唐李白集有古風五十七首。

【古香】〔洞天清話〕古畫色黑或淡墨。則積塵所成。有一種古香可愛。〔陸游詩〕圖書發古香。

【古度】木名。〔左思賦〕松梓古度。〔注〕古度。樹也。不華而實。子皆從皮中出。大如安石榴。廣州有之。

【古浪】一今縣名。清置。屬甘肅涼州府。今屬甘肅甘涼道。本漢蒼松縣。一河名。源出古浪縣南烏梢嶺。東北流入蒙古阿拉善旗。潏於白海。舊名松陝水。〔漢書〕「武威郡蒼松縣南山。松陝水所出。北至搆次入海。」顏師古曰。松古松字。陝下夾反。兩山之間也。

【古城】山名。在四川邛崃縣南。〔史記〕「秦時卓氏遷臨邛。卽鐵山鼓鑄。」卽此。

【古孫】複姓。以族系爲氏。本姬姓。王孫賈之後。隨音改爲古孫氏。見〔姓纂〕。


【古猗】種族名。先爲土番部落。與滇接壤。後漸流入。與民雜居。今雲南猶有之。亦作牯猗。

【古處】言以古道相處。〔詩〕乃如之人兮。逝不古處。

【古稀】謂年七十也。〔杜甫詩〕人生七十古來稀。

【古象】Mammoth

太古之動物。與象相類而不同。北寒帶之冰層中。常發見其遺骸。牙長。微曲。爲螺旋形。毛黑色。或暗褐色。甚堅勁。發見之際。有其肉尙鮮者。



象 古

【古道】一〔禮〕夫仲子亦猶行古之道也。〔論語〕「射不主皮。爲力不同科。古之道也。」今通稱不趨附流俗者。曰古道。如言古道照人。古道可風之類。一古時之道路也。〔李白詩〕撥雲尋古道。

【古詩】一謂古代之詩也。如文選載古詩十九首之類。一對於近體詩而言。詳古體詩條。

【古董】骨董。今亦稱古董。參看骨董條。

【古樂】先王之樂。謂郊祀朝會所用。有一定之制者也。亦曰雅樂。亦曰正樂。〔禮〕魏文侯曰。吾端冕而聽古樂。則惟恐臥。

【古調】古時之音調也。〔劉長卿詩〕清琴有古調。更向何人操。

【古論】論語之別本。孔氏壁中所藏。魯恭王壞孔子故宅而出之者也。其文皆科斗古文。其篇次與今所傳之魯論多異。又分堯曰下子張問政別爲篇。合二十一篇。

【古磚】古時大建築所用之磚。其邊側多刻造磚年歲。好古者亦珍藏之。或以製硯。

【古錢】非一時通用之錢。皆名爲古錢。宋錢遵著錢志。摹其模範。詳其源流。古錢遂爲古金之一種。與石刻並稱。清乾嘉諸儒。以其文字年號。足與經史相證。故尤重之。鮑康著觀古間泉說。四種。極精審。劉海喜。戴熙亦癖嗜古錢。考覈甚精。

【古學】謂考古之學也。後漢衛宏與鄭興俱好古學。見〔後漢書〕。●科舉時別於時藝而言。凡經解史論詩賦等。均謂之古學。

【古韻】謂六經及漢魏文字所叶之韻也。古無韻書。其文詞皆自然成韻。宋吳棫始著書以發明古音之例。其後明之楊慎。陳第。清之顧炎武。江永。段玉裁等。皆以研究古音著稱。其分部繁簡各家不同。顧分十部。江分十三部。段分十七部。多據廣韻而合併之也。

【古蘭】今縣名。清置。本唐蘭州地。故名。清屬四川永寧州。今屬四川永寧道。

【古懽】古詩。良人惟古懽。爲棄妻追念其夫之詞。謂舊時夫婦之私昵也。清王士禛有古懽錄。述上古至明林泉樂志之人。似取與古爲徒之意。與本意不相涉。後多誤用。又田雯有古懽堂集。

【古今考】書名。宋魏了翁撰。一卷。了翁以鄭玄禮注某物。即今某物。孔賈諸疏。多不能考。欲即漢書本紀所載。隨文辨證。僅成二十條。方回取其手稿。推衍其義。爲續編三十卷。方回人品。爲清議所不齒。而見聞尙賅洽。故四庫著錄。亦附於魏書之後。

【古今注】考證名物之書。晉崔豹撰。三卷。又中華古今注三卷。五代馬縞撰。兩書相同之處。十之九。不過序次稍有先後。且與蘇鷄演義亦同者五六。蓋豹書爲偽託。縞書亦勦襲而得之也。

【古文苑】書名。不著編輯者名氏。書錄解題稱世傳孫洙巨源得之佛寺經龕中。唐人所藏。所錄詩賦雜文。自東周迄於南齊。凡二百六十餘首。皆史傳文選所不載。唐以前散佚之文。頗賴是書以傳。凡二十一卷。

【古史考】書名。蜀漢譙周撰。周以司馬遷史記書周秦以上。或採俗語百家之言。不專據正經。乃作此書。皆憑舊典以糾遷之謬誤。凡二十五篇。【古加因】亦譯作可加因。詳可加因條。

【古生物】太古時代之生物。沒於地層中者。參看古象條。

【古生界】Paleozoic group 地質學名詞。原始界之上層也。此界爲生物原始時代。故名。當時已有陸地。而破碎之岩石。沈於水底。積久而構成者。其岩石有砂岩。砂岩。石灰岩。黏板岩。輝綠凝灰岩等。其生物化石。隨地不同。

【古北口】地名。在京兆密雲縣東北。兩崖壁立。僅通一車。爲內地往蒙古之要道。清時直隸提督駐此。

【古別離】樂府雜曲歌辭。梁江淹作。楚辭曰。悲莫悲兮生別離。古詩曰。行行重行行。與君生別離。相去萬餘里。各在天一涯。後蘇武使匈奴。李陵與之詩曰。良時不可再。離別在須臾。故後人擬之爲古別離。梁簡文帝又爲生別離。宋吳邁遠有長別離。唐李白有遠別離。亦皆類此。見〔樂府集〕。

【古拉油】Colza oil 由古拉菜子製出之油。用之以擦機械者。俗亦謂之機器油。

【古押衙】唐建中時俠客。劉震有女名無雙。才色雙絕。曾許其甥王仙客。震被誅。無雙沒入禁掖。仙客乞押衙設法出之。無雙既出。押衙遂自殺。見〔劉無雙傳〕。押衙官名。古其姓也。〔蘇軾詩〕義士今無古押衙。

【古音表】書名。清顧炎武撰。二卷。音學五書之一。

也。凡分十部。皆以平聲爲部首。而三聲隨之。其移入之字。與割併之部。即附見其中。考以古法。多相照合。惟割裂入聲。隨意分配。是其一失。

【古香齋】清高宗齋名。在重華宮東廡。即葆中殿。額曰古香齋。重華宮。高宗爲皇子時舊邸也。見「清通典」。有古香齋袖珍本叢書十種。凡三百六十冊。校印極精。

【古微書】書名。明孫穀編。三十六卷。取五經緯之佚文。各爲編次。以存原書之梗概。挂漏舛誤。均所不免。而據所採摭。頗資異聞。亦有因以考見古義者。凡尙書緯十一部。春秋緯十六部。易緯八部。禮緯三部。樂緯三部。詩緯三部。論語緯四部。孝經緯九部。河圖十部。洛書五部。

【古銅石】Bronte 鑲與鐵之矽酸化合物。爲輝石之變種。存於蛇紋石及天隕石中。色綠或灰黃。有古銅色光澤。含鐵甚多。

【古漳河】亦曰老漳河。按漳河舊分三道。南道由河南至直隸大名入衛。即今之漳河也。中道由大名分支東北行。歷舊廣平河間天津諸府入運河。此即老漳河。爲漳河正支。水經所序者也。北道由河南分支歷舊廣平順德二府。北行入寧晉泊。合滏陽滹沱。此即俗稱之小漳河。禹貢所志也。今北中二道并湮。惟阜城之漫河。爲古漳河故道。

【古樂府】元左克明編。十卷。與郭茂倩樂府集互

相出入。然郭書終於唐末。務窮其流。此書終於陳隋。務溯其源。用意迥別。據克明自序。蓋病楊維禎所作樂府破壞古律。故以此書正之也。

【古樂苑】書名。明梅鼎祚編。五十二卷。因郭茂倩樂府諸集而增輯之。其止於南北朝。則左克明古樂府例也。雖意在博收。不免蕪雜。然蒐羅遺佚。亦頗資考證。

【古樂書】清應擢撰。上卷論律呂本原。大旨本蔡氏新書。而參以朱子及注疏之說。下卷論樂器制度。則本陳祥道禮書及李之藻泮宮禮樂疏者爲多。凡二卷。

【古錦囊】唐書李賀每旦日出。騎弱馬。從小奚奴。背古錦囊。遇所得書投囊中。及暮歸。足成之。【古體詩】亦稱古詩。對於近體詩而言。近體詩如律詩絕句等。字數句數。皆有限制。古體詩則或用平韻。或用仄韻。或轉韻。或不轉韻。亦無定則。又可分五言古詩。七言古詩。三言詩。四言詩。六言詩等。

【古靈集】書名。宋陳襄撰。二十五卷。其子紹夫編。以所居在侯官古靈村。因以名集。

【古文尙書】漢魯共王壞孔子宅。於壁中得尙書四十六卷。凡五十九篇。皆科斗古文。故謂之古文尙書。至東晉始顯。清顧亭林閻百詩等多議其僞。

【古文淵鑑】書名。清徐乾學等奉敕編注。上起左

傳。下迄宋代。凡六十四卷。清初古文。本無宗派之說。故其所選錄。尙無偏倚。所附注釋評論。亦甚便於初學也。

【古文關鍵】書名。宋呂祖謙編。取韓愈。柳宗元。歐陽修。曾鞏。蘇洵。蘇軾。張耒。之文。凡六十餘篇。各標舉其命意布局之處。示學者以門徑。故謂之關鍵。凡二卷。

【古今人表】漢書中之一篇。分聖人。仁人。智人。愚人。共爲九等。始自上上。終於下下。自太昊。宓戲。至陳涉。吳廣。之徒而止。自來史評多譏之。

【古今通韻】書名。清毛奇齡撰。蓋爲排斥顧炎武音學五書而作。創爲五部三聲兩合兩界之說。引證頗博。而體例多自相矛盾處。凡十二卷。

【古今逸史】書名。明吳琯校刊。分合志分志逸記世家列傳五類。凡五十五種。初印本止四十二種。

【古今說海】書名。明陸楫編。輯錄前代至明小說。凡一百三十五種。每種各自爲帙。而略有刪節。削其浮文。存其始末。足備考證。凡一百四十二卷。

【古今韻會】書名。元熊忠撰。三十卷。楊慎丹鉛錄以爲黃公紹作者誤也。其書字紐用韓道昭例。部分用平仄韻合併之例。古韻書之門目次第。於是盡變無遺。然注文援引浩博。而一字一句。必舉所本。則非後來韻書所及也。

【古公賣父】卽周太王也。初居邠。狄人侵之。遷於岐山之下。邠人皆從之。始改國號曰周。去戎狄之俗。武王追尊爲太王。

【古玉圖譜】書名。舊題宋龍大淵等奉敕撰。四庫總目據其所列修書諸臣職銜。多有舛誤。疑爲後人假託宋時官本。凡一百卷。

【古生物學】Paleontology 研究前世界動植物之學。以前世界之生物。多數化石。故間亦稱化石學。

【古局象棋】宋司馬光所作。亦謂之七國象棋。詳七國象棋條。

【格拉那達】Granada 地名。西班牙南部之州。土地豐饒。產穀類葡萄棉花甘蔗等。亦多礦物。都府在格拉那達山麓。產毛布絹布。其地係西元八世紀時。摩亞人所開闢。西元一二三六年。建格拉那達王國。一四九二年爲西班牙王斐迪南第二所滅。

【古刻叢鈔】書名。明陶宗儀編。一卷。所錄碑刻凡七十二種。皆全載原文。以原額爲題。無所考辨。亦無先後次序。蓋隨得隨鈔之本。尙未成書。然所錄多諸書所未載。

【古音略例】書名。明楊慎撰。取易詩禮記楚辭老莊荀管諸子有韻之詞。標爲略例。雖不及顧炎武等之本末條貫。較吳棫之韻補。已爲精密。凡一卷。慎又有古音叢目古音彙要等書。

【古音叢目】書名。明楊慎撰。五卷。慎研求古音。每得數卷。輒出而問世。此其第一種。又有古音彙要五卷。古音餘五卷。附錄一卷。雖各爲卷帙。而體例實本一書。以今韻分部。而古韻之相叶者。分隸之。則吳棫韻補之例也。

【古音駢字】書名。明楊慎撰。一卷。續編五卷。則清莊履豐莊鼎鉉同撰。其書取古字假借通用者。以韻分編。各注所出於其下。頗有考證。而稍嫌漏略。莊履豐等所補。亦未賅備也。

【古畫品錄】書名。南齊謝赫撰。是書品第畫家優劣。自陸探微以下。凡二十七人。分以六品。各爲之評。畫家之稱六法。亦始於是書。凡一卷。

【古逸叢書】清黎庶昌在日本時所刊。凡二十六種。皆搜采我國遺籍之在日本者。仿原本精雕。爲近世叢書之冠。

【古路弟恩】Collodion 有機化合物之一。以精製棉與火硝末同浸於硫酸中。製之。能溶於以脫及酒精之混合液中。置空氣內。則蒸發而餘透明之薄膜。照像之乾板及醫術上皆用之。又可製人造絲。

【古貌古心】謂容貌心情。皆有古人之風也。〔韓愈詩〕「孟生江海士。古貌又古心。」謂孟郊也。

【古樂經傳】書名。清李光地撰。五卷。取周禮大司樂以下二十官爲經。以樂記爲之傳。大司樂一篇。尙多疑竇。其他則考據明確。得諸實驗者多。

終非高談樂理者所及。

【古韻標準】書名。清江永撰。以詩三百篇爲主。而以周秦以下音之近古者附之。分平上去聲各十三部。入聲八部。言古韻之書。以此爲最有條理。凡四卷。

【古文四聲韻】書名。宋夏竦撰。以郭忠恕汗簡分韻編次。然較汗簡易於檢字。凡五卷。

【古文辭類纂】書名。清姚鼐編。凡七十五卷。分爲十三類。曰論辨類。曰序跋類。曰奏議類。曰書說類。曰贈序類。曰詔令類。曰傳狀類。曰碑誌類。曰雜記類。曰箴銘類。曰頌贊類。曰辭賦類。曰哀祭類。各爲序目。言文體之源流。所選錄各家之文。亦最爲謹嚴。古文之有桐城派。實自此開之也。其後黎庶昌王先謙並爲續纂。王書確守繩墨。黎書不拘宗派。然自乾隆以後。下至咸同。古文諸家。惟兩書爲備前纂所未備。亦學者之一便也。

【古經解鈎沈】書名。清余蕭客編。蒐輯唐以前解經遺說。編次成帙。冠以敍錄。備述所引先儒爵里及著書之名。皆但錄舊文。不加斷制。凡三十卷。

【古經解彙函】書名。清同治間。鍾謙鈞輯。漢唐人說經之書。與小學書合刊之。所據皆清代名人校正之本。

【古夫于亭雜錄】書名。清王士禎撰。續成於香祖

筆記之後。無凡例次第。故曰雜錄。以所居魚子山有古夫子亭。因以爲名。凡六卷。

【古文尙書疏證】書名。清閻若璩撰。辨正古文尙書。凡一百二十八條。因宋吳棫。朱熹。陳振孫。元吳澄。明梅鷟。歸有光之說。而一一推求實證。其言至爲精核。凡八卷。

【句】歌謳切。尤韻。曲也。亦作勾。姓也。系出句芒。三國時蜀有句扶。與鉤通。鉤爪亦作句爪。詳下。【箇候切有韻】句當。詳下。亦讀平聲。【舉裕切遇韻】詞絕也。一言謂之一句。今相承惟詞絕之義作句。餘多作勾。古止一字也。

【句爪】淮南子。鳳凰不下。句爪居牙戴角出距之獸。于是驚矣。【注】句爪。鷹鷂之屬也。按句爪居牙。今多作鉤爪。鋸牙。

【句引】猶言句結也。北史。元法僧在任貪殘。獠遂句引梁兵。圍逼晉壽。

【句曲】山名。又名己山。皆以形似名。在今江蘇句容縣東。即茅山。參看茅山條。

【句芒】左傳。木正曰句芒。古五官之長。禮。孟春之月。其神句芒。春之盛德在木。故司木運之神曰句芒。

【句兵】戈戟之屬。兵刃端之有鉤者。見周禮考工記。

【句吳】史記吳太伯世家。太伯之奔荊蠻。自

號句吳。句者。吳言之發聲也。

【句町】讀如胸挺。漢西南夷之國。今雲南蒙自道之地。古句町國。漢武帝置縣。仍封其夷人爲王。後王莽降其爵爲侯。句町故城。在今雲南通海縣東北。

【句注】山名。即山西雁門山。晉地道記。北方之險。有盧龍飛狐。句注爲之首。天下之阻。所以分別內外也。河東記。句注以山形句轉。水勢注流而名。

【句股】算法九章之一。依句方加股方等於弦方之理。以御高深廣遠者也。參看句股形及九章條。

【句卒】軍陣之名。左傳。越子爲左右句卒。使夜或左或右。鼓譟而進。注。句卒。鉤伍相著。別爲左右屯。言兩隊相鉤聯而別爲左右也。

【句脈】明道雜誌。古今人作七言詩。其句脈多在上四字。而以下三字成之。退之乃變句脈。以上三下四。如落以斧斤引繆。雖欲悔舌不可捫之類是也。

【句容】今縣名。漢置。歷代因之。清屬江蘇江寧府。今屬江蘇金陵道。句讀如履。

【句留】謂因事羈留也。白居易詩。未能拋得杭州去。一半句留是此湖。又。骨肉句留俸祿中。

【句章】縣名。漢置。唐廢。故城在今浙江慈谿縣界。武帝使韓說出句章。浮海擊東越。卽此。晉

置。在今浙江鄞縣南。晉時孫恩作亂。劉牢之討之。改築句章縣於小溪鎮。唐廢。

【句票】拘捕罪人所執之憑票也。凡刑事訴訟。被告入傳喚不到。或逃亡者。皆用句票拘捕之。亦稱提票。

【句無】地名。國語。句踐之地。南至于句無。韋昭注。諸暨有句無亭。諸暨。今縣。屬浙江。【句萌】草木始生時。屈者爲句。直者爲萌。禮。季春之月。句者畢出。萌者盡達。

【句戟】戟刃之鉤曲者。史記。鉏耰棘矜。非鏃于句戟長鑕也。漢書作鉤戟。

【句當】北史序傳。事無大小。士彥一委仲舉句當。又宋曹彬平江南歸。詣閣門入見。膀子稱奉敕句當公事。回。其不伐如此。見歸田錄。宋史本傳作幹事。是句當者。猶言幹辦也。

【句廉】謂水岸曲而有廉棧也。漢書。入鮮水北句廉上。

【句漏】山名。在廣西北流縣東北十五里。其巖穴句曲穿漏。故名。相傳葛洪嘗修煉於此山之最勝處。曰白沙洞。縱廣一頃。其下有洞井數處。皆舊時採沙處。其沙獨白。故名。此山幹脈。東逕入廣東至珠江西岸而止。通稱爲句漏山脈。

【句踐】春秋時越王。父允常爲吳王闔閭所敗。句踐遂敗闔閭而雪其辱。闔閭子夫差復報越。因句踐於會稽。句踐請和。用范蠡文種。十年生聚。

十年教訓之策。因以滅吳。渡淮水會諸侯。受方伯之命。橫行江淮間。名震中國。

【句履】履形歧頭者。見〔漢書注〕。●方履也。句與矩同。〔莊子〕履句履者。知地形。

【句龍】人名。炎帝十一世孫。能平九州。辨土地之宜。爲顓頊土正。後祀爲后土之神。●複姓。一卽句龍之後。一本句姓。後加龍字。爲句龍。如淵之後。蜀中多此姓。宣和畫譜有句龍爽。卽蜀人也。●南匈奴左部有句龍王。見〔後漢書〕。

【句嬰】〔淮南子〕自東北至西北方有跋踵民。句嬰民。〔注〕句嬰。讀爲九嬰。北方之國也。

【句瀆】地名。〔左傳〕公及宋公盟於句瀆之丘。〔杜注〕卽穀丘也。在今山東荷澤縣北。漢置句陽縣。今名句陽店。

【句斷】猶言斷句。〔馬融賦〕「節解句斷。管商之制也。」言其如法家之謹嚴。管謂管仲。商謂商君也。〔歐陽修詩〕句斷欲學盤庚書。

【句繹】地名。在今山東鄒縣境。〔春秋哀公二年〕叔孫州仇。仲孫何忌。及邾人盟于句繹。〔杜注〕邾地。〔疏〕案十四年小邾射以句繹來奔。注云邾地者。國竟相近。所屬無定。猶齊魯汶陽之田。莒魯爭鄆之事。一彼一此。豈有常乎。

【句欄】本宮殿華飾。王建李賀詩多用之。自李商隱倡家詩有簾輕幕重金句欄之句。後人遂稱妓家爲句欄。見〔隨園詩話〕。

【句讀】謂文詞中休止及停頓處也。讀音豆。〔韻會舉要〕凡經書成文語絕處。謂之句。語未絕而點分之。以便誦詠。謂之讀。今祕書省校書式。凡句絕則點於字之旁。讀分則點於字之中間。

【句驪】國名。見高句驪條。

【句文錦】〔三國志〕「景初二年。詔書報倭女王曰。又特賜汝紺地句文錦三匹。」按句爲句曲之義。當卽今之斗紋也。

【句股形】直角三角形之別名。卽有一角爲直角之三角形也。其直角旁之短邊曰勾。長邊曰股。對直角之邊曰弦。凡句股形內句方股方之和。必與弦方等。

【另】〔東甯切音令〕●分居也。割開也。●凡別爲一事者亦曰另。

【另日】〔楊升庵外集〕「俗謂異日爲另日。」按列子有別日升崑崙丘語。另或爲別字之省。

【另起爐竈】喻凡事之不能繼續進行。而必須別爲營幹者。

【另眼相看】猶言特別優待也。

【叨】〔他歷切音滔豪韻〕●與饒同。貪也。〔後漢書〕橫叨天功以爲己力。●忝也。濫也。如言叨在知己。

【叨查】言貪而怠緩不事事也。〔唐書〕初田緒鎮夏州。以叨查開邊覺。故党項引吐蕃圍涇州。

【叨憤】言貪饕忿憤也。〔書〕亦惟有夏之民。叨憤日欽。

【叩】〔可毆切音口有韻又去聲有韻義同〕●擊也。〔論語〕以杖叩其脛。●問也。發動也。〔論語〕我叩其兩端而竭焉。●稽顙曰叩首。省文作叩。如百拜亦曰百叩。

【叩叩】鄭重懇切之意。〔繁欽詩〕何以致叩叩。香囊懸肘後。〔朱熹詩〕別袖不忍分。叩叩陳苦詞。

【叩頭】以頭叩地也。〔三國志〕安有國家長吏。爲賊叩頭。

【叩關】君主時代。人民冤抑。詣闕自懇。曰叩關。〔叩關〕叩本作攷。〔周禮〕凡四方之賓客攷關。則爲之告。〔注〕攷關。猶謁關人也。〔賈誼文〕嘗以什倍之地百萬之衆。叩關而攻秦。〔文選注〕「叩或爲仰。秦地高。故曰仰攻之。」今亦謂敲門曰叩關。〔吳兆詩〕維舟且叩關。

【叩頭蟲】害蟲之一。爲小甲蟲。長者七八分。全身黑褐色。尾端稍細。頭部環節甚強。以指壓其體。則其頭爲有力之振動。故名。俗稱跳搏蟲。幼蟲至細。色黃。俗名針金蟲。食植物之根。食盡一株。更移他株。數年之久。始化爲成蟲。害麥類最甚。晉傅咸有叩頭蟲賦。唐盧延讓詩有窗間

匾膊叩頭蟲句。故俗亦呼爲匾膊蟲。

蟲頭叩

此為試讀，需要完整PDF請訪問：www.ertongbook.com

丑 九

口部 一畫 句 另 叨 叩

口部 一畫 句 另 叨 叩

口部 一畫 句 另 叨 叩

頁

【軫倚切音紙紙韻】語已詞【詩】母也。天只不諒人只。俗亦讀若質。作惟字止。如言只此一家。

【只今】猶言現在也。〔李白詩〕只今惟有西江月。

【叫】

〔吉弔切嘯韻〕一呼也〔詩〕或不知叫號
一鳴也〔潘岳賦〕候扇舉而清叫

【叫子】〔夢溪筆談〕世人以竹木牙骨之類爲叫子。置人喉中吹之。能作人言。謂之類叫子。

【叫呶】謹譁之聲也。〔柳宗元文〕狂奔叫呶。以干天刑。

【叫聒】聲囂而雜也。〔李白詩〕驚猿相叫聒。

【叫號】〔詩〕或不知叫號〔疏〕「家居用逸不知上有徵發呼召也」今謂大聲譁噪曰叫號。

【叫哥哥】蟲名其名始見於蟲蒼舊說謂爲莎雞之一種。今屬螽斯科。體暗綠色。長寸餘。觸角甚長。前胸成圓柱形。翅蔽腹部之大半。發聲器在翅之基部。以翅摩擦作聲。其音宏亮。故夏秋間兒童多飼畜之。

【召】

【稚耀切嘯韻】①以手曰招。以言曰召。皆使之來就我也。②致也。如致禍謂之召禍。

〔呂氏春秋〕此之謂以陽召陽。☰姓也。系出姬姓。周太保奭食采于召。其後支庶因以爲姓。

【召公】召公奭。文王庶子。諡曰康子。孫世爲王輔。

【召伯】周召公奭與周公旦分陝而治爲二伯。召公食采於召。故稱召伯。〔詩〕召伯所茇。

【召忽】春秋齊大夫。死於公子糾之難。

【召虎】周宣王時人。時淮夷不服。宣王命虎率師。循江漢討平之。

【召南】詩篇名。〔周南召南譜〕「得聖人之化者。」

謂之周南得賢人之化者謂之召南」一說塗山氏之女始作爲南音。周公召公取風焉。以爲周南。召南。

【召陵】春秋地名漢置縣隋廢今河南鄆城縣東有召陵故城齊桓公率諸侯伐楚楚使屈完來盟於此。

【召棠】周召伯巡行南國。舍于甘棠之下。國人愛之而敬其樹。作甘棠之詩。後人因於官吏之德化著明者。亦被以召棠之稱。〔劉孝綽文〕召棠且思羊碑猶泣。

【召集】以命令使集聚也。例如議員既由人民選舉。政府以命令召集之。使組織議會。

【召試】清時特別取士之法。凡巡幸所至。紳士迎

變獻藝者。復親試之。前列者。進士舉人。用爲內閣中書。貢監生。賞給舉人。

【召募】謂募兵也。〔隋書何稠傳〕「開皇末，桂州俚李光仕聚衆爲亂，詔稠召募討之。」按俚爲南方蠻族之一種。

【召信臣】漢壽昌人。南陽太守。爲民興利。教化大行。號曰召父。又遷河南太守。治行常爲第一。

【召父杜母】後漢書。杜詩遷南陽太守。政治清

呌

【普八切今讀若霸】陳旼軍中吹器續通考作吧。

【叭噠杏】果名。本草作巴旦杏。畿輔通志引長安客話云。杏仁皆味苦。有一種甘者。名巴旦杏。或

謂之八達杏。按八達杏本產於西域。今甜杏北方隨處皆有。商販以來。自口外者良。視之甚重。猶蘑菇之重口蘑也。俗又加口作叭噠杏。日本謂之扁桃。其仁亦有甜苦二種。甜者供食。苦者入藥。並製油及苦扁桃水以治病。吾國入藥者多用尋常杏仁。故遂以此爲甜杏之專稱耳。

町

【低經切音丁青韻】詳叮嚀條

【叮嚀】再三言之也。或作丁寧。

可

【渴我切駁韻】**一**許可也。否之對。**二**僅可。而有所未盡之詞。〔論語〕可也簡。**三**宜也。

如言獻可替否。^四約計之辭。〔史記〕奪其軍可四千餘人。^五助詞。那也。如何堪亦作可堪。〔李商隱詩〕此情可待成追憶。〔可黑切音克〕^六詳可汗條。

〔可人〕謂其人有可取也。〔禮〕管仲遇盜，取二人焉。上以爲公臣，曰其所與遊，辟也可人也。〔蘇軾詩〕始信淵明是可人。

〔可口〕言味之適口也。〔莊子〕楂梨橘柚，其味不

同而皆可於口。

【可中】〔方言藻〕王仲初詞。可中三日得相見。可中。正適之辭。猶俗云恰好也。

【可可】Cacao。喬木名。產於美洲及西印度熱帶下。經冬不凋。高丈餘。葉與果實皆橢圓形。花赤色。其子研爲細末。可爲飲料。和糖及他種香料。則爲諸古力。參看諸古力條。



可可

料。則爲諸古力。參看諸古力條。

【可加】Coca。落葉灌木。產於南美之祕魯。高約六尺許。葉長橢圓形。其端尖銳。初夏開綠色花。雌雄異株。葉中含一種植物鹽基。以之製成白色結晶體。謂之可加因。



可加

外科手術注入皮膚中。爲局部麻醉之藥。

【可汗】猶言單于。西域國主之稱。如蠕蠕。突厥。回紇。其君主皆曰可汗。後世蒙古突厥諸族。稱其君曰汗。即從可汗而出也。可汗讀如克塞。

【可決】對於否決而言。見決議條。

【可兒】〔世說〕桓溫經王敦墓下曰。可兒可兒。

【可矜】謂死罪人犯。其情可以矜憫也。詳秋審條。

【可能】〔羅昭諫詩〕「我未成名君未嫁。可能俱是不如人。」猶云可堪也。〔許渾詩〕「西去

磴溪猶萬里。可能垂白待文王。」猶云如何能也。〔李商隱詩〕「堪歎故君成杜宇。可能先主是真龍。」猶云未必能也。並見〔方言藻〕。

【可敦】唐時突厥回紇稱其君爲可汗。君之妻爲可敦。今土耳其稱王后公主亦然。

【可頻】複姓。代人王雄爲涇州總管。西魏賜姓可頻氏。生謙周益州總管。阻兵。爲隋文帝所滅。宋建中中藍田尉可頻瑜。其後也。見〔通志〕。

【可蘭】Koran。回教之聖典。其要義有三。一。心中祇有惟一之真神。二。穆罕默德爲神之預言者。三。世人命皆有定。教徒謂此經乃穆罕默德直接受之真神阿賴者。亦猶猶太基督兩教徒謂舊約乃摩西直接受之真神耶和華也。

【可不里】元時西北地名。即喀布爾。見喀布爾條。

【可分性】Divisibility。物理學名詞。無論何種物體。必可分之爲更細小之物體。謂之可分性。乃物質公性之一也。

【可加因】Cocaine。藥名。可加葉中所含植物鹽基之一種。其鹽酸溶液。醫者用於皮下注射。可爲局部之麻醉藥。切割小手術恆用之。

【可足渾】代北複姓。前燕有慕容儁后。可足渾氏。散騎常侍。可足渾常。後燕有新建侯。可足渾健。見〔通志〕。

【可渡河】源出雲南霑益縣北宣威縣南。爲宛溫水。東北流爲可渡河。北盤江之上游也。

【可提因】Codeine。藥名。成分爲 $C_{18}H_{21}NO_3$ 。在鴉片內。爲結晶性粉末。味苦。有麻醉性。似嗎啡。睡眠不濃。咳嗽悶苦。下腹疼痛等病。用之有特效。

【可溶性】Solubility。物理學名詞。即物體有能溶於水及火酒中之性質也。例如食鹽及脂肪。皆有此性。

【可憎才】男女相悅愛極之反詞。元曲中恆用之。【可憐見】謂見之可憐也。〔元史泰定帝紀〕「薛特皇帝可憐見嫡孫。」一作可憐見。見〔元典章〕。

【可憐蟲】〔梁企喻歌〕「男兒可憐蟲。出門懷憂死。」今言人之陷於困難者爲可憐蟲。本此。

【可燃性】Inflammability。物理學名詞。見可燃物條。

【可燃物】Combustible Substance。凡物能著火。燃於空氣中者皆是。如炭。火油等。此物之性又曰可燃性。

【可薩克】Cossack。種族名。散處於俄羅斯。波蘭。土耳其。中亞細亞。西伯利亞。性質勇悍殘忍。西元十六世紀頃。俄國始組織爲軍隊。平時農耕。免其納稅。有戰事則召集爲兵。自拿破崙之侵俄及俄土戰爭。日俄戰爭。皆有大功。

【可失哈耳】元時西北地名。即今之喀什噶爾。詳喀什噶爾條。

【可逆反應】Reversible reaction 化學名詞。即

兩種以上之物質互感而兩方各起化學變化之現象也。例如取綠化銦強熱之。則分爲輕綠酸與阿摩尼亞。若悉收其所化之兩物。去其熱。仍能漸漸結合爲原有之綠化銦。其式爲甲+乙+丙+丁+↑形者。即以表反應之方向也。其中一爲正反應。一爲逆反應。又有反應中僅起正反應而不起逆反應者。曰不可逆反應。例如煤炭之化學變化。僅能變爲炭養氣與水。設收此炭養氣及水至冷時。仍不能復爲原有之炭也。

【台】

逸其切音怡支韻。●我也。〔書〕祇台德先。●悅也。〔史記〕唐堯遜位。虞舜不台。●

何也。〔書〕「夏罪其如台。」如台。猶言奈何。〔典引〕今其如台而獨闕也。〔他哀切音胎灰韻〕

●三台。星名。古以比三公。故尊人之詞多用之。如台端。台銜。台甫。台安。兄台。弟台等。亦讀如臺。俗與臺通用。●與鮎通。詳台背條。

【台山】今縣名。民國以廣東新寧縣改置。縣北有三台山。故名。屬廣東粵海道。

【台州】唐置。元改路。明改府。清因之。民國廢。今浙江臨海縣。其舊治也。

【台安】今縣名。民國以遼中鎮安兩縣地析置。屬奉天遼瀋道。

【台吉】蒙古爵位之名稱。位次輔國公。分四等。自

一等台吉至四等台吉。按明代蒙古。有以黃台吉。鴻台吉爲名者。清太宗名皇太極。即黃台吉也。準噶爾部長則自號渾台吉。皆爲漢語皇太子三字之轉訛。台吉亦即由此而出。其始惟蒙古爲王公子弟稱之。後則專爲爵位之名矣。

【台背】台與鮎同。謂年老則背有鮎文也。〔詩〕黃耆台背。

【台拱】今縣名。清置廳。屬貴州鎮遠府。民國改縣。屬貴州鎮遠道。

【台鼎】宰輔之稱。舊稱三公曰台鼎。言如星之有三台。鼎之有三足也。〔後漢書〕位登台鼎。

【台槐】謂三公也。三公比天之三台。周時植三槐於朝廷。爲三公之位。故有此稱。〔晉書〕或以雅望處台槐。

【台輔】即宰相也。〔三國志〕馬日磾歷位九卿。必登台輔。

【台州灣】東海之海灣也。當靈江入海之口。清時爲台州府境。故稱台州灣。羣島羅列。沙礁甚多。兩岸山束。水勢極洶涌。

【台爾弗】Delphi 地名。在希臘中部阜基斯 Phocis 州帕那薩斯 Parnassus 山之南。有愛鉢羅神廟。古時希臘人遇大事。必決之於廟中神巫。

【叱奴】代北複姓。西魏有開府叱奴興。周文帝叱奴后生武帝。又有光祿大夫叱奴祐。後改爲狼氏。見〔通志〕。

【叱咤】怒聲也。〔史記〕「項王暗噓叱咤。千人皆廢。」言其勇也。

【叱馭】〔漢書王尊傳〕先是王陽爲益州刺史。行至邛郯九折坂。歎曰。奉先人遺體。奈何數乘此險。及尊爲刺史。至其坂。問吏曰。此非王陽所畏道耶。叱其馭曰。驅之王陽爲孝子。王尊爲忠臣。

【叱撥】馬名。〔續博物志〕唐天寶中大宛進汗血馬六匹。一曰紅叱撥。二曰紫叱撥。三曰青叱撥。四曰黃叱撥。五曰丁香叱撥。六曰桃花叱撥。

【叱羅】代北複姓。西魏有柱國叱羅協。後改爲羅氏。見〔通志〕。

【叱灘】地名。〔吳船錄〕未至歸州數里曰叱灘。又過東奔灘。連接新城下大灘。曰人鮮甕。

【叱伏列】複姓。代郡西部人。其先叱伏列龜。爲第一領人。會長。周侍中。封長樂公。生椿。幽州刺史。見〔通志〕。

【叱石成羊】〔神仙傳〕黃初平牧羊。有道士將至金華山石室中。其兄初起尋見。問羊何在。曰。近在山東。初起往。但見白石。初平與初起俱往。看之初平乃叱曰。羊起。於是白石皆變爲羊。

【史】〔色矣切紙韻〕古掌書之官也。黃帝始立史官。●記事之書曰史。●姓也。急就篇

注云周大夫史佚之後。路史云倉頡後。

【史匠】即今刻字匠也。〔論衡〕能彫琢文書。謂之史匠。

【史价】猶今公使館之祕書等官也。〔宋史職官志〕鴻臚寺凡四夷君長史价朝見。辨其等位。以賓禮待之。

【史局】古者修史。不必在官。史記漢書。皆私家著作。漢開東觀。始有史局。自是修史。多由官局。唐以後諸史。惟歐陽修之新五代史。爲私撰而已。【史佐】謂史之副官。〔陳書姚察傳〕徐陵領著作。引爲史佐。

【史官】司記載之官也。古左史記言。右史記事。皆直書君臣之善惡功過。以垂鑒戒。其職至重。其後國之圖籍曆象占驗之事。亦掌於太史。魏晉以後。修史者別稱著作郎祕書郎。明以後爲翰苑諸臣之職。故翰林亦稱太史。

【史糾】書名。明朱明鎬撰。考訂諸史書法之謬。及其事迹之牴牾。上起三國志。下迄元史。其言皆從鈎稽本史而來。非稗販之比。凡六卷。

【史皇】黃帝之臣。始造書。

【史乘】即歷史。史以載事。故謂之史乘。〔孟子〕晉之乘。

【史記】書名。漢司馬遷撰。起黃帝。迄漢武。爲十二紀。以序帝王十年表。以貫歲月。八書。以紀政事。三十世家。以敘公侯。七十列傳。以志士庶。遷沒

後。闕景武紀。禮樂律書。三王世家。漢興以來將相年表。日者龜策傳。斬劖列傳等十篇。元成間。褚少孫追補。及益以武帝後事。凡一百三十卷。宋裴駟爲集解。唐司馬貞作索隱。張守節作正義。三家之注。皆附於原書之內。惟明監本多所刪除。已非全文。

【史書】史官之書體也。兩漢書多有稱善史書者。皆謂便習隸書。適於時用。猶今之工楷書也。或指爲史籀所作之大篆。非。

【史部】目錄家分書爲經史子集四部。凡紀事之書。如正史。編年史。紀事本末。別史。雜史。傳記。以及地理。時令。職官。政書等。皆屬史部。亦曰乙部。

【史通】書名。唐劉知幾撰。二十卷。論史法極嚴。自來史家皆奉爲規律。惟史官兼司掌故。而知幾之意。惟以褒貶爲宗。餘事皆視爲枝贅。殊非古法。其議論亦多偏駁之處。疑古惑經。兩篇尤爲人所詬病。清浦起龍有史通通釋。極詳贍。紀昀有史通劄記。則此書之節本也。

【史魚】春秋衛大夫。名鮒。靈公不用蘧伯玉而任彌子瑕。死以尸諫。靈公乃進伯玉而退子瑕。孔子稱之曰直哉史魚。

【史游】漢人。元帝時爲黃門令。撰急就章四卷。

【史鈔】宋藝文志有史鈔一門。其後書目皆因之。自爲義例。而於諸史內摘錄其所需要者。或專鈔一史。或雜鈔各史。皆謂之史鈔。

【史筆】史官直言記載之筆法也。〔晉書〕既登東觀。染史筆。

【史禍】〔朱子跋山谷草聖千文〕「紹聖史禍。諸公置對之辭。不見於文集。」謂重修神宗實錄之事。范祖禹。趙彥若。黃庭堅等。並坐詆譭降官也。

【史論】文之專論史事者。謂之史論。文選始有其名。又稱述贊。如漢書述贊。不用韻。亦史論也。

【史漢】謂史記漢書也。晉時兩書已並稱。何嵩博觀文籍。尤善史漢。見〔晉書〕張茂先論史漢。靡可聽。見〔世說〕。

【史遷】漢司馬遷有良史之才。故稱史遷。詳司馬遷條。

【史學】研究歷史之學也。〔晉書〕「任播崔潯。爲史學祭酒。」又唐穆宗時。諫議大夫殷侗言史之勸善懲惡。亞於六經。比來史學廢絕。至有身處班列。而朝廷舊章。莫能知者。於是立三史科。使應舉者於歷史內各習三史。問以政理成敗。所因。及其人物損益。關於當代者。科舉之有史學。始此。見〔日知錄〕。

【史籀】周宣王之太史名籀也。作大篆十五篇。周時史官以教學童。其姓氏不詳。

【史體】史有編年紀傳二體。編年始於左傳。紀傳始於史記。

【史可法】明祥符人。字憲之。崇禎進士。福王立。以

兵部尙書大學士。督師揚州。清多爾袞致書勸降。却之。城陷被殺。揚民謳思。葬袍笏於郡城梅花嶺。後人稱爲史閣部。

【史思明】唐寧州夷突厥種。初名宰干。玄宗賜名思明。與安祿山同鄉里。累官至大將軍。祿山反。思明從之。祿山爲其子慶緒所殺。思明遂殺慶緒而自立。稱燕帝。尋亦爲其子所殺。

【史達祖】宋汴人。字邦卿。號梅溪。韓侂胄之堂吏。有梅溪詞一卷。張功甫云。史生之作。情詞俱到。【史彌遠】宋鄞縣人。韓侂胄與金人開釁。彌遠倡議誅之。尋代其位。內結楊后弄權。宰執侍從。臺諫藩閫。皆所引薦。寧宗崩。矯詔廢皇子竑。立理宗。初欲反韓侂胄之所爲。頗收召賢才。其後論者紛起。遂專任愼王。一時君子。貶斥殆盡。

【史姓韻編】書名。清汪輝祖輯。二十四史所載諸人姓名。皆分韻編錄。詳注卷葉。頗足爲讀史之助。凡六十四卷。

【史學叢書】清張之洞督粵時。命廣雅書局編刊。清儒考證乙部之書。凡翔實有裨正史者。悉爲收入。共八十六種。

【右】異舊切。有韻又上聲有韻義同。左之對也。凡在右手之一方者。皆曰右。一方位以西爲右。如山西。即山西。江右。即江西。一助也。【左傳】天子所右。寡君亦右之。古佑字多作右。四上也。尙也。古人尙右。故謂所尙者曰右。

強也。如豪右。猶言豪強。

【右文】謂重文事也。宋史。國家恢儒右文。京師郡縣皆有學。殿名。宋徽宗改集英殿爲右文殿。見宋史。

【右史】官名。禮言則右史書之。詳左史條。

●複姓。以官爲氏。周有右史武。見世本注。

【右司】見左司條。

【右玉】今縣名。明右玉林衛。清置右玉縣。爲山西朔平府治。今屬山西雁門道。

【右列】清以前朝官班次。皆文職居左。武職居右。故謂武官曰右列。

【右行】軍制之名。見三行條。●複姓。晉屠擊之後。因以右行爲氏。晉有右行賈辛。司空右行辛。漢有御史中丞右行綽。見通志。以上行皆讀如杭。書法名。見左行條。

【右丞】官名。漢置尙書左右丞。以佐令僕。右丞與僕射皆掌授廩假錢穀。歷代因之。元併尙書省。於中書設中書省左右丞。各行中書省亦置之。明初沿其制。旋廢。清未更定各部官制。每部置左右丞。爲侍郎之貳。今政事堂亦置左右丞。爲國務卿之貳。

【右江】在廣西。詳左右江條。

【右地】謂要地也。漢書。遣左右大將各萬餘騎屯田右地。欲以侵迫烏孫西域。權德輿詩。三公臨右地。七萃擁中堅。

【右序】詩實右序有周。右助也。謂天實右助而次序之也。

【右更】爵位名。秦制。漢因之。漢書注。更言主領更卒部其役使也。

【右姓】猶言貴族也。後漢書。強宗右姓。各擁衆保營。莫肯先附。六朝時重門第。凡清貴之家。謂之右姓。隋唐因之。唐書。江左定氏族。凡郡上姓第一。則爲右姓。

【右武】猶言尙武也。史記。守成尙文。遭遇右武。注。右亦上也。言遭遇亂時。則上武也。

【右軍】天子有中軍左軍右軍。見左傳。晉王羲之爲右軍將軍。因稱羲之爲右軍。夢溪筆談。吳人多謂梅子爲曹公。鷺爲右軍。有士人遺人醋梅與鷺。作書云。醋浸曹公一壺。湯燂右軍二隻。聊備一饌。

【右契】契約也。分爲左右。各執其一。以爲證據也。國策。操右契而爲公責德于秦魏之王。

【右宰】複姓。以官爲氏。春秋有衛大夫右宰穀。

【右師】春秋官名。左傳。宋華元爲右師。見左師條。戰國齊亦有右師。見孟子。一複姓。宋莊公生公子申。世爲右師氏。漢有中郎將右師。譚後漢有博士右師細君。見通志。

【右族】謂大姓也。古以右爲上。門望貴顯。則稱右族。北史。王子直。字孝正。京兆杜陵人也。世爲郡右族。

【右廣】楚軍制名。即右軍也。〔左傳〕右廣初駕。〔右學〕〔禮〕般人養國老於右學。〔注〕右學。太學也在西郊。

【右翼】猶言右軍。詳左右翼條。

【右職】高職也。〔漢書〕文翁以爲右職。

【右藏】國庫之一。詳左藏條。

【右北平】郡名。漢置。今直隸津海道東北部及熱河地。治平剛。即今熱河平泉縣。

【右扶風】郡名。漢置。爲三輔之一。今陝西關中道西部之地。〔漢書注〕扶助也。風化也。

【右執法】星名。御史大夫之象。見〔晉書〕。

【右賢王】匈奴貴族封號。詳左賢王條。

【九白】〔奇尤切音求尤韻〕與玄同。參看玄字各條。

【咎由】戰國時狄國名。〔國策〕「智伯欲伐咎由。遣之大鐘。載以廣車。因隨入以兵。」其地在今山西孟縣。〔括地志〕「孟縣外城。俗名仇由。」史記作仇猶。韓非子作仇繇。呂覽作內繇。

【匣】〔普火切音頗哥韻〕●不可也。●遂也。〔後漢書〕帝知其終不爲用。匣欲討之。

【匣信】言不可信也。〔三國志〕呂布指劉備曰。是兒匣信者。

【匣測】言不可測也。〔唐書〕「尹愔父思貞嘗受學於國子博士王道珪。稱之曰。吾閱人多矣。尹

子匣測也。」又謂人之險詐者。曰居心匣測。〔回羅〕酒卮。〔北史〕神武宴僚屬。於坐失金回羅。古文協字。參看協字各條。

【叶韻】古韻有本通者。如東冬江相通。支微齊佳灰相通之類。有不可通而以切響通之者。毛詩離騷謂之叶。古音略例謂之轉注。如易日昃之離。不鼓缶而歌。離與歌不可通。當叶離爲維也。

【塞茲切音思支韻又去聲真韻義同】●主也。主其事也。〔書〕欽乃攸司。●官署名。又各部分職曰司。●姓也。春秋時鄭有司姓。宋史有司超。

【司士】官名。●古官。〔禮〕天子有五官。司徒。司馬。司空。司士。司寇。●周官。屬夏官。掌以德詔爵。以功詔祿。列國亦有之。●司士參軍。北齊置士曹參軍。掌工役。爲郡之佐吏。唐制。在府曰士曹參軍。在州曰司士參軍。在縣曰司士。凡河津營造橋梁廨宇之事。皆管之。宋以後無。參看司功條。

【司土】官名。殷制。天子六府之一。見〔禮〕。即周之土均。參看土均條。

【司中】神名。〔周禮〕「大宗伯祀司中司命。」其說有二。●爲三台之司中。周禮疏引星傳云。三台上台司命爲太尉。中台中司中爲司徒。下台司祿爲司空。●爲文昌之司中。亦見星傳。云文昌宮第五曰司中是也。

【司戶】官名。漢魏以下有戶曹掾。主民戶。爲郡之佐吏。北齊始稱戶曹參軍。唐制。在府曰戶曹參軍。在州曰司戶參軍。在縣曰司戶。宋因之。元廢。參看司功條。

【司水】官名。殷制。天子六府之一。見〔禮〕。即周之川衡。參看川衡條。

【司分】曆官也。分謂春分秋分。見玄鳥氏條。

【司木】官名。殷制。天子六府之一。見〔禮〕。即周之山虞。參看山虞條。

【司民】●官名。周禮秋官之屬。掌登萬民之數。●星名。〔周禮〕小司寇孟冬祀司民。獻民數于王。〔注〕司民。星名。軒轅角也。

【司右】官名。周禮夏官之屬。謂有勇力之士。充王車右者也。

【司令】凡軍隊艦隊平時屯駐之地。及戒嚴時期之警備接戰各地域。以高級軍官指揮所屬軍隊艦隊而司其號令者。曰司令官。統轄各司令而總其成者。曰總司令。

【司功】官名。唐州府佐吏。自錄事參軍外。有司功司倉司戶司兵司司法司士六參軍。在府爲曹。在州爲司。故府曰功曹參軍。州曰司功參軍。即漢之功曹史也。北齊稱功曹參軍。隋改司功書佐。唐復爲參軍。掌官園祭祀禮樂學校選舉表疏醫筮考課喪葬之事。縣亦置之。但稱司功。宋廢。

【司市】官名。周禮地官之屬。爲市官之長。